

海蹈海忠公立志誓移山書感云是丹非素千年恨轉終回黃萬歲新市駿高
歌士不遇畫蛾微惜我猶癡劍俠云我笑黃衫慚刺客土羞紅綫立微名

庚子秋同人曾各擬子美諸將五首獨吾宗嘯山先生所作波瀾老成如錦繡
灰飛千里地豚胎禍釀百年間銅駝前棘愁雲黑玉壘荒蕪戰血殷回紇吐蕃

唐代忠棘門瀾上漢家兵才難空市千金駿名盛虛傳八座貂月缺何人修玉
斧風寒無客上金臺等句皆沈著可誦嘯山名虎臣

鳳陽高亞賓名上龍別字鶴鑿著智輿一卷禪機哲理融會貫通空言所不宣
其義者而又以科學實証之乃庸耳俗目橫構流言幾成文字獄噫宇宙雖寬

我輩無側身之所矣夏日與鴉髮晤于逆旅雖行裝寥落而氣概激昂不愧風
塵中之抱俠骨者生平撰述甚富詩尤別有意境仙乎仙乎令人誦之會心獨

遠其遺情云渡頭桃葉情生種夢裡羅敷婿是梅芙蓉如花花落去啼紅兩雨
子規來惺忪春意如人爛漂泊萍花似汝蹤手捲珠簾今夕月瑤階風露故期

儂感遇云是否華嚴界裡過芙蓉仙子拜維摩飛瓊一曲靈籟月不怨情天怨
愛河小紅猶識舊司空老向江南作寓公一樣天涯好明月清衫重問玉玲瓏

吾宗人菊素不作詩茲忽以數章由郵見示其夜過邵伯湖有半夜西風催落
葉一湖明月送歸船之句頗佳人菊名偉仁

丹陽呂潛字長倩有石城中秋一絕云吳越三孫汗漫游石城歌舞度中秋傾
囊不惜千金擲半買驩娛半買愁

溧縣洪韻韶名覺英年績學就詩工書畫尤篤於性情嘗出所著天籟集相示
溫柔敦厚信風騷之遺音也余酷嗜其春游一絕辭曰又見江南燕子飛杏花

天氣雨霏微一車行處揚枝碧折入懷中却寄誰
鹽城金澤蒼自東遊博桑後所著詩文慷慨悲涼生氣遠出較曩昔大進蘇子

由謂名山大川足以擴充吾人之學識信哉信哉傾於友人處見其春日感懷
二律錄之酒盡亂情緒模糊倚石欄關山萬里別風雪一燈寒計拙幾先窺時

危別亦難茫茫天地窄身入醉鄉安大陸龍蛇走歐風亞雨中乾坤增感慨今
古幾英雄願化宏血難言屈子裏一般瀟旅客半是怨春風澤蒼名元潤亦

字謫滄

曹明甫素以詩名噪於里門頃讀其日本東京旅居夜雨一律尙不愧雅人吐
囑詞云山笛青多雨村醪醉尙寒殘燈心上影斷雁夢邊翰搖落虛芳節支離
感舊懽書城枯坐裡收涕墨痕乾明甫名昌麟

邦江血十日屠城報史公言之尤有無限悲慟

山陰沈懷仲昆弟四人均爛文學懷仲在扶桑時有七律一章余愛誦之辭曰
莫向聲華竟故吾海天寥闊見雙鳧中原多難思王佐大雅將論憶酒徒歧路
已看衰草合隔林時聽冥禽呼感時清淚潸潸裡又見霜痕上客鬚懷仲名其
昌叔氏醜石名寶昌有醉歌行一章余亦愛誦之其叙曰庚辛壬癸之交予與
仲氏久滯江南每當春日晴明風花妍麗必傾壺觴以爲樂仲氏與尤豪予雅
不能酒仲氏每舉以請予予亦不以爲疾也今年予歸自京師而仲氏亦自海
外回里復相飲以酒仲氏之豪猶無減於昔獨於世變紛紜滄桑之感不能去

諸心對酒當歌爰作此行以解之其辭曰皇天布運何恢恢平分四紀往復回
東風昨夜忽相攜起看四野江霞堆春光浩蕩蜂爲媒少年對此心魂摧號召
朋從開新^醉狂呼劇飲鳴風雷高談雄辯難排詠當筵坐客誰渠魁嗟我仲氏
殊奇魂清酒一曲傾千巵玉山既醉終無頽還將文字欺鄒枚海樣一去天河
隈此樂送絕無人陪豪情逸興相挽推三年空此琉璃杯我車既瘁馬虺虺乃
從滄海深淵迴入門執手疑且猜有客先我歸蓬萊窮髮之俗差可^{嗚呼}聆緒
論精誠開小子狂簡知所裁尙餘奇氣吞九陔我聞謫仙死不來下載靈魂安
在哉滔滔誰築黃金臺但願一醉祛凶災昨日青紫今與臺安能與之久徘徊

野鴻山木才不才幾人落葉歸根衰漆園老叟且莫哀自我視之皆塵埃

懷仲女弟荷玉亦不樸進士也善繪事兼工詩嘗以四絕贈鍊石女士志趣高
遠一洗脂粉之羞亟錄兩首以餉我神州女界其亦有聞風興起者乎謝家嬌
女擅才華青障爭借紙貴誇一自宋儒迂論起中原女子井中蛙蘭臺班史木

蘭驂山幙何嘗盡亞男從此文明和雨化自由花發滿江南

甘溪沈某在揚州府署內曾賦落花詩十章蓋爲某詞史發也如多情燕子呢
喃語煩我花前賦大招未落化萍隨浪去偶然依草亦風流綠知月意憐紅瘦
不分春心讓綠肥從今省識泥滋味悔却當初造次飛魂歸倩女無消息愁絕
封姨有妬才縱使明年春更好似曾相識費疑猜得遇游絲成小住偶逢弱絮
話前生同是漂零無妬態轉愁流落負春心春去有聲啼杜宇月來無影負欄
杆三千粉黛漂零物十萬金鈴穩繫難等句頗凄馨可誦

揚州洪蝶庵廣文之公子娶某氏名青琴貌美能詩爲三堂所稱頌乃曇花一
現遽返仙班是不能無慨也丹徒王鳳鳴爲余誦其春夜懷人句云夜靜香沉
人不寐一簾花雨夢揚州雖吉光片羽寥落無多然詠絮清才於此可以窺見
莫愁湖上懸有莫愁小影係一年十五六女兒霓裳霞靄翩翩欲仙四壁詩句
稠雜而佳章絕少家人言曾觀七律一首頗清俊可喜詞曰廿年鴻雪久橫
糊重到黃公舊酒爐山色一樓名將野荷香十頃美人湖水邊亭樹開禪室隄
外帆檣插畫圖回首峴山空墮淚西風颯颯戰菰蒲

雞鳴寺相傳爲梁之同泰寺誌公臺在焉寺有露臺樓南皮張之洞相國所建
也戊申春張新斧題一絕於壁上風韻頗佳到此登臨拔劍揮臺草色舊時
肥忍看玄武湖邊鳥猶帶南朝日影飛新斧名長眞州人

清涼山掃葉樓中四壁詩句如蟻亦復無可觀者信乎才人之難也唯楹聯尙
有一二佳句姑錄之左復蘇念貽云自有仙人非盡誕山來名士亦通禪揚哲
子度云每因悲跳傷時局獨倚江山念古人

桃源薛竹居吾郡邊顧公之甥也工書其題畫詩詞亦清雋拔俗如漫天風霜
夜瀟瀟獨擁紅爐坐寂寥誰道閒人有忙事自煨宣栗剝胡桃一絕可以想見
其胸次又題百字令一闋云採蓮人返恁攜來玉腕一縷香潔素手金刀才落
處道是蛟宮鏤雪回首西風香飄紅亂冷徹相思骨玲瓏片片問誰搗破瑤月

只爲幾縷柔絲牽情南浦種就閒根節秋水凝精花葬魄一片空明撰結皓
齒初嘗數聲清脆早解相如渴移來玉井爲君重長新茁竹居名懷別字小鳳
安貧守介閉戶讀書以自娛詩畫而外工隸書及篆刻曾舉孝廉方正

湘潭翁銅士司馬廉敦品績學工詩文有聲著有積悔齋集舊作如邦上雜感
云夢斷燕南舊酒樓塌來邗水一勾留時流幾輩方麟鳳風漢隨人笑馬牛尙
有古情爭楚寶漫將奇氣壓吳鉤柴桑柳下真堪隱何事王孫愛遠遊和人展
中秋韻云盛朝幾見閏中秋運厄黃楊解得不會說天工人可代豈真月闕客
能修學參識緯膠柱憂厓瘡疾望冥甌夔虎相臣光禹績要荒貢賦入神州
哭張小漁云有才無命哭長沙如子騷情累怨嗟正擬班生歌出塞不虞蘇季
遲還家白衣送酒誰爲主黃菊傲霜猶著花分手前期忘祖道愁風天末阻雲
車贈安石樹云相識亦云久相知何太遲逸情文字上淡與菊花時論時有同
慨憐余負所期酒杯深不惜一醉臥東籬皆佳構也

高亞賓贈某七律思想奇詭辭句剛雋足以驚駭俗人記其一云天荒地老人
流血獅子崖前說大乘法團春寒鴉望帝情天潮熱馬生人前途黃禍龍蛙劫

滿地紅心鐵血塵膜拜崑崙神九逝刀頭爭賽自由神

亞賓同里有吳君名朝點者與實同學秣陵亦工詩有惜春詞云幔紗輕捲獨
依樓鎖日開吟鎖日愁最恨無心雙燕子唧泥依舊上簾鉤錦箋濡墨懶題詩

此後芳心有夢知曾記送鉤春酒暖畫樓西畔月明時二詩雖嫌稚弱然當舉
世溺於齷齪之習而獨爲和婉之音亦可謂雅人深致矣慎無以女郎詩謂之

韻韶謂其溫柔儒雅極纏綿之旨不其然哉

韻韶於詩研索甚深其十五六歲時所作久已拉雜燒之然斷句猶有存者京
口晚渡云黑雲低近水赤燒遠明山商園春望云橋橫谿影直山映雲光寒野

望云萬山衝樹立一鳥逐帆飛夜坐云梧桐滴雨難成寐笳鼓喧天且論兵秋
蟲云未許蠅蛄知歲月不妨蟋蟀鬥雌雄雕鏤景物可想見其推敲之工近作

如詠梅云一片冰心消不滅冷然飛上水仙花偶成云天演滔滔大可噴風搖
梧葉一聲聲眼中戲看飛塵舞多少微生亦競爭無極原來等作零可加可減

忒無情無情却被多情惱我亦情天大恨人仙心哲理皆由靜觀妙悟而來豈
僅詩人言語耶又野望七律云風捲炊煙白滿林角聲淒惻伴蟬鳴鶴飛天外

千年夢琴奏關西萬里心處處親朋成關別朝朝歌哭慣相尋一籌莫展空憂

國我亦曾為梁父吟

韻韶所著述覺字裡行間往往推爾蕙潔不之慨殆與實有同悲者耶蔣少華

柳絮詞云化到浮萍猶聚首可憐渠尚有來生韻韶評之曰慘悽悽不啻出予

腸腑真有陽關三疊之慨元闕秀萬蕙柔遲壽州驛云葵萼有心終向日柳花

無力苦隨風韻韶評之曰深闕弱質往往如是古今同轍可痛也已又戊申三

月紀夢詩曰我夢何所見我夢見我意我意何所之若有千萬事虛無縹渺間

天涯遇之子之子獨無言相對情彌摯撫躬乃深愧落落不得志回首憶良時

流光去如矢其二云孤憤聊自慰俠情向誰吐征途渺千里青山獨今古旅魂

蕩悠悠何緣更遇汝淡然兩忘形相見意悽楚空山鐘亂鳴愧焉渺所與中庭

明月高披衣思起舞

句容蔣少華名貞金寓揚州與實同學秣陵喜吟詠韻韶謂其宗定庵而纖麗

過之近作柳枝詞十章傳誦一時其尤佳者云眉樣而今未入時新聲齊唱惜

春詞旗亭歌吹春如海不管長堤有別離又有句云化到浮萍猶聚首可憐渠

尚有來生實與韻韶最愛誦之後檢小倉山房集亦有化到浮萍猶聚會不知

儂可有來生句少華所言雖與簡齋暗合而用意似較沈著

袁蓮室之太夫人曾氏名朗秋著有古懷室詩詞集其佳句如秋夜云紙窗月

上玲瓏影畫譜新添墨紫薇題吳侍御聽馬導輿圖云雲飛遠岫風無主樹捲

秋濤月有聲函關風雪詩魂壯巫峽波濤歸路遙夢中云行雲流水人何處落

月疏林夢獨歸皆可誦也昔有售宅者將行賦詩曰堪歎年來刺骨貧吾廬今

已屬東鄰殷勤說與門前柳他日相逢是路人誦之淒然可憫

家大人村行句云霧濃春有氣村瘠夜無聲又題畫句云夢隨流水到溪橋可

稱意境獨到

人菊近作詩數十章麗句清辭頗有可采夜過射陽湖云宿鳥驚人起歸帆載

月行舟次邵伯埭云山遠低於樹雲高淡似烟秋蟲云且喜牀前能伴我何堪

離下久依人又舟行有天末帆檣共雁征七字亦佳

宋人詩曰蟻螟殺敵蚊眉上螿觸交爭蝸角中何異諸天觀下界一微塵徑門

英雄吾每於憤懣發絕時輒誦以自遣

頭顱有價黃金賤文字無靈白璧瑕此嘯叔句也悲壯蒼涼可歌可泣誰謂風

塵中無英雄哉

近某有詠鏡詩頗出新意余爲移易數聯以求不落小家描摹故智記其尤佳者云縱無恩怨于卿事從此悲驩得我心

雁叟有和無生四律以禪機入豔體神理獨超其詞曰天花著處有誰堪解識

楞嚴卽二南一佛無言非入定諸天含笑已多慚象床奇暖三生石鸞袖生香

七寶幡業海寒林淒絕地春風廿四月初三本無戒體任親摩不是摩登恨轉

多墮去泥犁原淨境射來沙數等恒河無無印罷心非佛了了峯成眼欲波証

激金經人我相善提寶樹自婆娑天魔散罷舞衣裙誰計須臾髮似飭流水華

年曾悟我落花心事又憐君眞如寶相如如見衆妙奇香妙妙聞未飲華池功

德水微波通處起朝雲豔骨何緣瘦似豺模糊影事鏡奩開依人竟墮千絲網

勝地誰移九品臺共說瞻餘應入月獨憐意蕊不成胎天麗一笑原多事曾向

華嚴法界來

先生有贈美權數章風骨高舉亦非人間數觀之物也茲選錄如下每誦詩篇

歎式微中原歌哭計全非鈞天帝醉騎龍笑蹈海人還跨鶴飛落落心肝高北

極沈沈河漢失流暉桃源漁父今何在欲入西山賦采薇一回相見一淒然海

水扶桑幾變遷恥以文章名亂世苦無計畫遣中年書生敢謂道三略宰相唯

知食萬錢從此莫談天下事與君同上五湖船滿地江湖斷夢醒十年書劍歎

飄零每依北斗望南斗徧數張星又角星短軾含沙天象變毒龍吹水浪花腥

詩成不敢高聲道恐有旁人帶淚聽

南中諸子侶立南社實亦躬廁其列已酉陽月朔日小集吳門松江高天梅以

事不得與賦詩一章分寄索和有豈少詩篇存甲子儘多人物隱菰蘆之句可

謂慨乎言之天梅名旭別號鈍劍金山人